



Broj, 01-07-10-51-265/2024  
Sarajevo, 28.11.2024. godine

Na osnovu čl. 25. stav (1) i 26. stav (4), a sve u vezi sa članom 24. Zakona o slobodi pristupa informacijama na nivou institucija Bosne i Hercegovine ("Službeni glasnik BiH", br. 61/23) kao i Odlukom o visini naknade materijalnih troškova u skladu sa Zakonom o slobodi pristupa informacijama na nivou institucija Bosne i Hercegovine („Službeni glasnik BiH“ 63/24) kao i člana 5. Pravilnika o postupanju po zahtjevu za pristup informacijama Visokog sudskog i tužilačkog vijeća Bosne i Hercegovine br. 08-02-3075/2010 od 2.9.2010. godine, 08-02-3645/2013 od 24.9.2013. godine, 08-02-388-1/2014 od 22.1.2014. godine i 08-07-2-3459/2021 od 29.9.2021. godine, rješavajući po zahtjevu za pristup informacijama Žilo Boroš Seada, [REDACTED], od 1.11.2024. godine, predsjednik Visokog sudskog i tužilačkog vijeća Bosne i Hercegovine donosi

## RJEŠENJE

### I. **Odobrava se pristup kopijama sljedećih dokumenta:**

- a) Pravilnika o vremenskim okvirima za postupanje po predmetima u sudovima i tužilaštvima u Bosni i Hercegovini („Službeni glasnik BiH“, br. 5/13);
- b) Pravilnika o izmjenama i dopunama Pravilnika o vremenskim okvirima za postupanje po predmetima u sudovima i tužilaštvima u Bosni i Hercegovini („Službeni glasnik BiH“, br. 101/13);
- c) Pravilnika o dopunama Pravilnika o vremenskim okvirima za postupanje po predmetima u sudovima i tužilaštvima u Bosni i Hercegovini („Službeni glasnik BiH“, br. 61/14);
- d) Dopuna Aneksa Pravilnika o vremenskim okvirima za postupanje po predmetima u sudovima i tužilaštvima u Bosni i Hercegovini („Službeni glasnik BiH“, br. 10/15); i
- e) Dopuna Aneksa Pravilnika o vremenskim okvirima za postupanje po predmetima u sudovima i tužilaštvima u Bosni i Hercegovini („Službeni glasnik BiH“, br. 88/15).

### II. U prilogu rješenja dostavlja se prvih 20 (stranica) dijela informacije iz tačke I izreke rješenja pod a).

### III. Podnositelj zahtjeva obavezuje se platiti taksu za umnožavanje dokumenata iz tačke I izreke rješenja u iznosu od 35,00 KM u skladu sa Odlukom o visini naknade materijalnih troškova u skladu sa Zakonom o slobodi pristupa informacijama na nivou institucija Bosne i Hercegovine („Službeni glasnik BiH“, br. 63/24).

### IV. Tražena informacija će u preostalom dijelu biti dostavljena po primitku dokaza o uplati materijalnih troškova.

## Obrazloženje

Visoko sudsko i tužilačko vijeće Bosne i Hercegovine (u daljem tekstu: VSTV BiH/Vijeće) je 1.11.2024. godine zaprimilo zahtjev Žilo Boroš Seada, [REDACTED] (u daljem tekstu: podnositelj zahtjeva) za pristup informacijama u vezi sa odredbom člana 57. Zakona o unutrašnjem sudskom poslovanju, konkretno, Pravilniku o vremenskim rokovima za postupanje po predmetima u sudovima u Federaciji Bosne i Hercegovine, odnosno Bosni i Hercegovini.

Razmatrajući predmetni zahtjev, u skladu s nadležnostima VSTV-a BiH, utvrđeno je da VSTV BiH posjeduje podatke navedene u tački I izreke ovog rješenja, te da omogućavanje pristupa istim nije protivno odredbama Zakona o slobodi pristupa informacijama na nivou institucija Bosne i Hercegovine ("Službeni glasnik BiH" 61/23; dalje u tekstu: Zakon).

Uvidom u službenu evidenciju, utvrđeno je da je Pravilnik o vremenskim okvirima za postupanje po predmetima u sudovima i tužilaštvima u BiH (u daljem tekstu: Pravilnik), objavljen u „Službenom glasniku BiH“ broj 5/13, kao i na web stranici „Službenog lista BiH“ <http://www.sluzbenilist.ba/Docs/index/bih> te se u prilogu ovog rješenja dostavlja prvih 20 stranica kopije Pravilnika iz tačke I izreke rješenja pod a) u skladu sa članom 2. stav (2) Odluke o visini naknade materijalnih troškova u skladu sa Zakonom o slobodi pristupa informacijama na nivou institucija Bosne i Hercegovine („Službeni glasnik BiH“, br. 63/24; u daljem tekstu: „Odluka“). Preostali dio Pravilnika, uključujući i njegove izmjene i dopune objavljene u „Službenom glasniku BiH“ br. 101/13, 61/14, 10/15 i 56/15, odnosno podaci iz izreke rješenja pod b), c), d) i e) bit će dostavljene podnosiocu zahtjeva nakon što se ispune uslovi u skladu sa odredbama člana 24. st. (2), (3), (4) i (5) Zakona o slobodi pristupa informacijama na nivou institucija Bosne i Hercegovine, a sve u skladu sa članom 2. stav (1) Odluke.

Naime, na osnovu člana 24. Zakona i Odluke Vijeća ministara BiH, podnositelj zahtjeva dužan je unaprijed uplatiti troškove umnožavanja traženih podataka navedene u tački III ovog rješenja.

Uvidom u službenu dokumentaciju, utvrđeno je da tražena informacija sadrži ukupno 90 (devedeset) stranica teksta standardne veličine, od kojih je prvih 20 (dvadeset) stranica besplatno, dok je za kopiranje preostalih stranica podnositelj zahtjeva dužan uplatiti iznos od 35,00 KM računajući visinu troškova umnožavanja u skladu sa članom 1. tačka a) Odluke, što iznosi 0,50 KM za svaku stranicu.

Instrukcije za plaćanje takse su sljedeće:

Svrha doznake: Uplata po osnovu Zakona o slobodi pristupa informacijama na nivou institucija Bosne i Hercegovine

Primalac: JRT Trezor BiH

Banka: Unicredit banka d.d. Mostar

Broj računa: 338 000 2210018390

Vrsta prihoda: 722577

Općina: 077

Budžetski korisnik: 0112999

Dodatno, u vezi sa primjenom Pravilnika napominjemo da je VSTV BiH na sjednici održanoj 10. i 11.2.2016. godine donio odluku kojom se primjena člana 12. ovog Pravilnika, koji glasi: „Sud će stranci pri neposrednoj predaji tužbe/prijedloga ili na zahtjev izdati pismeno obavještenje o predvidivom roku za rješavanje odnosno vrste predmeta, odnosno tužilaštvo će podnosiocu prijave ili oštećenom, na zahtjev, izdati pismeno obavještenje o predvidivom roku za rješavanje odnosno vrste predmeta.“ prolongira do ispunjenja svih potrebnih uslova.


Međutim, bez obzira na izostanak primjene člana 12. Pravilnika, sudovi i tužilaštva, u odlukama koje donose na godišnjem nivou, utvrđuju predvidive rokove za rješavanje predmeta.

Postupajući po zahtjevu podnositelja, a u skladu sa svim gore navedenim, odlučeno je kao u dispozitivu ovog rješenja.

**Pouka o pravnom lijeku:**

Protiv ovog rješenja podnositelj zahtjeva ima pravo podnijeti žalbu Žalbenom vijeću pri Vijeću ministara Bosne i Hercegovine u roku od 15 dana od dana prijema istog.

Ukoliko Žalbeno vijeće ne odluči po žalbi u roku od 30 dana od dana prijema žalbe, podnositelj žalbe ima pravo pokrenuti upravni spor pred Sudom Bosne i Hercegovine zbog šutnje administracije.



Dostavljeno:

1. Podnositelju zahtjeva
2. Odjelu za pravosudnu analitiku i izvještavanje
3. U spis

Prilog:

1. Informacije iz tačke II izreke rješenja

